



O‘ZBEKISTON RESPUBLIKASI ADLIYA VAZIRLIGI
MINISTRY OF JUSTICE OF THE REPUBLIC OF UZBEKISTAN

100000, Toshkent shahri, Sayilgoh ko'chasi, 5-uy, tel.: (998 71) 207 04 43,
www.minjust.uz, el. pochta: info@adliya.uz, minjust@exat.uz



2020 йил “13” ноябрь 3/13-4571-сон

Ўзбекистон Республикаси Олий
Мажлиси Қонунчилик палатаси
Мудофаа ва хавфсизлик
масалалари бўйича қўмитаси

2020 йил 4 ноябрдаги
06/2-06/800-сон хатга

Сизнинг ёшлар ва вояга етмаганлар ўртасида жиноятчилик ва ҳуқуқбузарликларни олдини олишга қаратилган қонун ҳужжатларини такомиллаштириш бўйича таклифлар сўраб юборган хатингиз кўриб чиқилиб, қуйидагилар маълум қилинади.

1. “Вояга етмаганлар ўртасида назоратсизлик ва ҳуқуқбузарликларнинг профилактикаси тўғрисида”ги Қонуннинг 8-моддасида вояга етмаганлар ўртасида назоратсизлик ва ҳуқуқбузарликларнинг профилактикасини амалга оширувчи органлар ҳамда муассасалар тизими келтирилган.

Ўз ўрнида, Вазирлар Маҳкамасининг 2020 йил 11 сентябрдаги 550-сон қарори билан тасдиқланган Ўзбекистон Республикаси Ёшлар ишлари агентлиги тўғрисидаги Низомнинг 12-бандида Ўзбекистон Республикаси Ёшлар ишлари агентлиги (кейинги ўринларда – Ёшлар ишлари агентлиги) ёшларнинг ҳуқуқлари, эркинликлари ва қонуний манфаатларини ҳимоя қилиш, уларнинг ўз иқтидорларини намоён этишлари ва имкониятларидан тўлиқ фойдаланишларига тўсқинлик қилувчи омилларни аниқлаш ва бартараф этиш, **ёшлар ўртасида ҳуқуқбузарлик ва жиноятчиликнинг олдини олиш, озодликдан маҳрум этиш жойларидан озод қилинган ёшларга кўмаклашишга қаратилган чора-тадбирларни амалга ошириши ҳамда ёшлар ўртасида салбий ҳолатлар юзага келишининг олдини олиш, ҳуқуқбузарлик ва жиноятчиликни кескин камайтиришга қаратилган профилактик чора-тадбирлар** натижадорлигини оширишда ҳуқуқ-тартибот органлари билан **хамкорлик қилиши** белгиланган.

Шу сабабли, юқорида назарда тутилган Қонунда Ёшлар ишлар агентлигини вояга етмаганлар ўртасида назоратсизлик ва ҳуқуқбузарликларнинг профилактикасини амалга оширишда қатнашишини белгилаш мақсадга мувофиқ ҳисобланади.

2. Вазирлар Маҳкамасининг 2020 йил 15 апрелдаги 228-сон қарори билан тасдиқланган Ўзбекистон Республикаси Маҳалла ва оилани қўллаб-қувватлаш вазирлиги тўғрисидаги Низомнинг 12-бандига мувофиқ, Маҳалла ва оилани қўллаб-қувватлаш вазирлиги (кейинги ўринларда – Вазирлик) вояга етмаганлар ўртасида **назоратсизлик ҳамда ҳуқуқбузарликларга доир ишларда** ва уларнинг ҳуқуқларини ҳимоя қилишда ҳуқуқни муҳофаза қилувчи органлар билан ўзаро ҳамкорликни мустаҳкамлашга кўмаклашади.

Бироқ, “Вояга етмаганлар ўртасида назоратсизлик ва ҳуқуқбузарликларнинг профилактикаси тўғрисида”ги Қонунда Вазирликнинг вояга етмаганлар ўртасида **назоратсизлик ҳамда ҳуқуқбузарликларга доир ишларда** ва уларнинг ҳуқуқларини ҳимоя қилишда ҳуқуқни муҳофаза қилувчи органлар билан ўзаро ҳамкорликни амалга оширишини назарда тутувчи норма белгиланмаган.

Шу сабабли, ушбу масала юқорида назарда тутилган Қонунда белгиланиши керак.

Вазир ўринбосари

Б. Кучкаров

